

# INUIT ATAQATIGIIT

## INATSISARTUNI



UPA2016/31  
21. april 2016  
Mimi Karlsen

**Tasiilami qimarnguimmik pilersitsinissamik periarfissat eqqartorneqarnissaat pillugu Naalakkersuisut Kommuneqarfik Sermersuumut saaffiginneqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Laura Tàunâjik, Siumut)

Inuit Ataqatigiit Laura Tàunâjik, Siumut qutsavigiumavaa siunnersummut pingaarutilimmut. Siullermik oqaatigissavarput kimulluunniit annersaaneq Inuit Ataqatigiit akuersaanngil- luinnarmassuk. Akuersaanngilluinnarpalput inoqammut annersaaneq, arnamut, angummut meeqyanulluunniit. Annersaaneq suna tamaat sakkugalugu unitsittariaqarparput, isumaqarpungalu uani siunnersummi aamma tamanna qitiusariaqartoq, tassa annersaanerup unitsinnissaa.

Naalakkersuisut ukiuni 2014-17 persuttaasарneq akiorniarlugu siumut isigaluni periusissiaanni Iliusissatullu pilersaarutip ilagilluinnarpaa annersaasartut aamma katsorsartissinnaanissaat.

Inuit Ataqatigiit pingaartiparput annersartittut ikiorneqarneratuulli aamma annersaasartut ikiorneqartariaqartut. Tassalu inuup iliussissamik nalulluinnarnermigut annersaanermut saattarnera unitsinniartariaqarparput katsorsaanikkut. Tassa, annersaasарneq millisinniarutsigu annersaasartunik katsorsaaveqartariaqarpugut, taamaammat Naalakkersuisut kaammattoruvavagut annersaasartut katsorsartarnissaannik suliniuteqaqqullugit.

Paasinaruinnartumik Laura Tàunâjip siunnersummini Tasiilami annersaasarnerup annertunera taakkartorpaa. Nalunngilarpulli nunarput tamakkerlugu, illoqarfinni nunaqarfinnilu annersaasarnerup annertuallaarnerujussua. Arnarpassuit, meerartallit, ilaatigullumi angutit qimargusariaqartarput, tamanna ajuusaarnartuuvoq.

Kalaallit Nunaat ullumikkut arfineq-marlunnik qimarguveqarpoq. Illoqarfiiit qimargueqanngitsut tassaapput: Nanortalik, Maniitsoq, Kangerlussuaq, Kangaatsiaq, Qasigiannguit, Uummannaq, Upernivik. Qaanaaq, Ittoqqortoormiit Tasiilarlu.

Oqarsinnaannigilagulli illoqarfinni taakkunani annersaasoqarneq ajortoq. Annersaasoqartarpoq, taamaammallu illoqarfiiit taakku qimarguimmik pisariaqartitsippu.

Naalakkersuisut akissuteqaatiminni Laura Tàunâjip siunnersuutaa akuerivaat Kommuneqarfik Sermersooq suleqatigilereeramikku Tasiilami qimarnueqarnissaq pillugu. Tamanna qujarunnarpoq.

Nalunngisatsituulli Qimarguiit amerlanerit nammineq kajumissuseq aallaavigalugu peqatigiiffiliornikkut pilersinneqartarpoq, kommunimit taavalu Namminersorluni Oqartussanik taperneqarsinnaanngorlutik.

Naalakkersuisup akissutimini takutippaa Namminersorlutik oqartussat Kommuneqarfik Sermersoorlu suleqatigiillutik Tasiilami qimarguik pilersinniaraat.

Tamanna isumallualersitsivoq Naalakkersuisut Kommuneqarfik Sermersooq kisiat pinnagu, allalli kommunit aamma saaffigisinhaagaat suleqatigiumallugit illoqarfinni qulingiluaasuni qimargueqanngitsuni qimargueqalernissamik.

Taamaammat Inuit Ataqatigiit siunnersuutigiumavaat qulequttap ima allanngortinnissaa:

**Iilloqarfinni qimargueqanngitsuni qimarguinnik pilersitsinissanik periarfissat eqqartorneqarnissaat pillugu Naalakkersuisut Kommuninut tamanut saaffiginneqqullugit peqquneqarnissaannik Inatsisartut aalajangiiffigisassaattut siunnersuut.**

Taama siunnersuuteqarluta siunnersuutip ataatsimiitsitaliamut ingerlaqqinnissaa inassutigaarpuit.